



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De dilectione proximi. Cap. XXVI.

[urn:nbn:de:hbz:466:1-53148](#)

ipsum quem amant suscipiunt Dominum Iesum Christum. Item spiritualis fructus multiplicatione, in quo & animarum profectum & Dei honorem sentientes, exilij sui molestias tolerabilius sustinent spe lucrorum Dei. Vnde sponsa dicit adolescentulis: Fulcite me floribus, scilicet nouae conuersationis bonæ: stipate me malis, id est, proficientibus, ad perfectiōnem tendentibus: quia amore langueo, desiderio dissolui, & esse cum sponso: ut quamdiu ad hoc differor, saltem cōfoler conuersione peccatorum & profectu bonorum: & ita meum exilium erit mihi tolerabilius, si videro aliis esse fructuosum: vt si tardius ad sponsum veniam, tamē plures mecum ducam. Sic & Paulus coarctatus inter desiderium dissoluendi, & profectum subditorum, consolabatur se interim ex eorum profectu, de sua dilatatione à regno.

Phil. 1, 23

Gen. 2, 5

De dilectione proximi.

C A P. XXVI.

Quomo-
do proxi-
mus dili-
gendas.

1. Ioan. 4,
21.

DILECTIO proximi ex dilectione Dei nascitur: quia propter Deum & in Deo & secundum Deum est proximus diligendus. Propter Deum: quia ipse mandauit. Ioan. Hoc mandatum habemus à Deo, vt qui diligit Deum, diligat & fratrem suum. In Deo, id est, ea affectione diligere debet proximum qua Deum, id est, ea forma. Secundum Deum, id est, ad hoc diligere debemus proximum, ad quod nos diligit Deus, id est, ad salutem animæ & profectum in spiritu, hoc est verè & purè & ordinatè diligere. Verè & non fictè, sicut illi qui verbo tantum & lingua diligunt, non opere & veritate. Pure & non ex carnali affectione, non pro utilitate propria, non ex carnali affectione & sc̄.

& seculari societate tantum: quæ & si non sint semper mala, tamen non sunt meritoria, nisi ex spirituali dilectione accipient condimentum. Ordinatè, ut non ad virtutem & commoda carnis & temporalem prosperitatem, sed ad æternam salutem. Vnde notandum, quod est ^{Dilectio}
^{multiple} dilectio carnalis, & dilectio cupiditatis, & dilectio naturalis & socialis, & est dilectio spiritualis. Carnalis est, quæ carnibus nutritur: ut inter virum & feminam in copula carnali. Cupiditatis, ut qui diligit pro munib[us]: sicut & canis diligit eum qui dat ei cibum. Naturalis, hæc est inter cognatos, & propinquos sanguine vel patria. Hac etiam dilectione diligimus illa, quæ natura magis venustauit; ut pulchros homines & alia naturaliter delectabilia, & etiam illa quæ naturæ nostræ sunt aliquo modo similiora: sicut cum è duobus æquè ignotis vni magis inhæret affectus, quia forte nobis similior est in natura. Eccli. Omne animal diligit suum simile, &c. sic & omnis homo proximum suum. Ista sicut à bonis & à malis & etiam à brutis habetur, ita bona & mala esse potest, licet originem trahat à natura quæ bona est in se. Vnde in necessitate plus tenemur ex iure naturali propinquoribus, quam extraneis subuenire. Socialis est, qua notos & familiares & contubernales magis diligimus, quam ignotos & alienos. Ista similiter per se indifferens est: quia & bonos & malos videamus eam habere; boni ad bonum, mali vero ad malum illam conuertunt, fauendo sociis ad quæ volunt.

S

De-